

ტექნიკური დავალება

წინამდებარე ტექნიკური დავალება აღწერს მიმწოდებლის მიერ შესასრულებელ სამუშაოებს, დავალების მიზნებს, მისი შესრულებისათვის საჭირო სამოქმედო პრინციპებს და საშუალებებს.

სამუშაოები მიზნად ისახავს ფეხით მოსიარულეთა სავალ ნაწილზე დეკორატიული ფილების მოწყობას, ასევე, ტროტუარზე და რიგ შემთხვევაში გზის სავალ ნაწილზე სხვადასხვა კომუნიკაციის კაბელებისათვის მიწისქვეშა კაბელ-არხების მოწყობას, რომლის მოწყობის სამუშაოები უნდა განხორციელდეს „ცალკეული ხაზობრივი ნაგებობების განთავსების, სამუშაოების წარმოების ან/და მათი შემდგომი რეგისტრაციის თაობაზე თანხმობის გაცემის წესის დამტკიცების შესახებ“ კალაქ თბილისის მუნიციპალიტეტის საკრებულოს 2014 წლის 22 დეკემბრის N19-75 დადგენილების, ასევე, სსტ „საქართველოს ეროვნული სტანდარტები“-ს და ქალაქებისა და დასახლებული პუნქტების დაგეგმარების და განაშენიანების სნიპ „სამშენებლო ნორმებისა და წესები II – 60-75“-ის შესაბამისად.

კონკრეტული მარშრუტები და არხების სიღრმე შეიძლება განისაზღვროს ობიექტზე არსებული კონკრეტული პირობების შესაბამისად. ამასთანავე, ზემოაღნიშნული სიღრმეები, შესრულებამდე უნდა შეთანხმდეს შემსყიდველთან.

მიმწოდებელმა მიწისქვეშა კაბელ არხების მოწყობის სამუშაოები, სამშენებლო წესებისა და სტანდარტების შესაბამისად უნდა აწარმოოს და საფუძველი მიიყვანოს ისეთ დონემდე, რომ დამკვეთს შესაძლებლობა ქონდეს ტროტუარებზე და რიგ შემთხვევაში გზის სავალ ნაწილზე მოაწყოს საფარის (ასფალტო ბეტონის, ფილის, ქვაფენილის ან სხვა) კონსტრუქცია.

მიმწოდებელი ვალდებულია საჭიროების შემთხვევაში მოამზადოს და წარმოადგინოს კაბელ არხების მოწყობის სამუშაოებისათვის საჭირო საპროექტო დოკუმენტაცია (დამკვეთთან შეთანხმებით). რომელიც წარმოადგენილი უნდა იქნას ნაბეჭდი (2 ეგზემპლ.) და ელექტრონული ვერსიის სახით.

გამოსაყენებელი დეკორატიული ბეტონის ფილის ტექნიკური მახასიათებლები უნდა აკმაყოფილებდეს შემდეგ მოთხოვნებს, კერძოდ:

- დაფერილი (პიგმენტირებული) ფენის სისქე 0,8 სმ.
- ბეტონის სიმტკიცე შეკუმშვისას არანაკლებ - 42 მპა. (გაძლიერებული (B-35) 6 სმ ფილა)
- ბეტონის წყალშთანთქმა -არაუმეტეს 6%
- ბეტონის ცვეთამდეგობა უნდა იყოს 17,2<20 მმ კლასი 4,
- მასალის ხარისხი უნდა აკმაყოფილებდეს ГОСТ 17608-91-ის ან ევროსტანდარტის EN 1338-2007 მოთხოვნებს.

ბეტონის ტექტილური ფილები უნდა მოეწყოს საქართველოს მთავრობის 2020 წლის 4 დეკემბრის დადგენილება N732 ტექნიკური რეგლამენტის – „მისაწვდომობის ეროვნული სტანდარტების“ დამტკიცების თაობაზე სტანდარტის შესაბამისად.